

潛研堂詩續集

潛研堂詩續集卷二

嘉定錢大昕

奉

命典試河南出都他

我馬皇華使云秋落實絲心仍依魏闕夢偶到梁園灰
嶺晴餘澹盧溝漲後潭主文頗忝竊四出郭西門

琉璃河

到處飛鴻指爪移往還幾度又今茲琉璃河水仍如鏡
十六年前鬢未絲

曉行

殘漏五六點稀星三四勻岸崩枯侶賸樹禿立如人佑
客郎當鐸征夫輾輾輪趁涼同起蚤露氣濕衣巾

樓桑邨和西厓侍讀韻

小市流傳帝子居鬱蔥佳氣詎云虛
依袁偶佗投林鳥入蜀居然縱壑魚
錦里築壇非故土樓桑成益憶當初
英雄魂魄知餘恨未得歸乘左轡車

趙州道中

一日馳兩驛惺州又趙州樹濃知有市
山澹卻空秋乾鶻鳴占喜涼蟬語帶愁
自從前夜雨禾黍望油油

雨花庵

葛直一條路清涼三椀茶勺泉分釋達初地卽耆闍我
亦津梁倦兼之癡鈍加化城真可住妙法問蓮華

豫讓橋

有公讐當報無成志亦雄誰能知國士元在眾人中

磁州

蘭相如里野花秋崔府君祠落日愁一路重岡連復斷
水清土沃是磁州

韓魏公祠

兩朝定策數安陽晚節黃花獨自香何事裕陵親政日
翻將國事付穉郎

過安陽有感韓平原事四首

相傳金人得韓侂胄首葬之安陽祖

墓謚曰忠穆謂其忠于謀國終于謀身也

十年富貴老平原一著殘棋一局翻畢竟未忘青蓋辱

九京不愧魏公孫

曾無成算擲千鈞壯志區區那得伸一樣北征師挫衄
符離未戮主謀人

匆匆前首議和親昭雪何心及老秦朝局是非堪齒冷
千秋公論在金人

成敗論人亦可嗤誰持秦鏡照鬚眉如何一卷姦臣傳
卻漏吞舟史太師

黃梁祠

椿菌同朝暮荆凡孰在亾古今更代謝幾度熟黃梁

汴中詠古

香孩營裏氣葱葱龍宅汴何如卜洛雄輿地全收十國舊
寬仁已變五朝風斧聲終誦喧鐙下禪話虛傳出衷中
一代韓王稱佐命誓書金匱負匆匆

龍行虎步儼居尊桴鼓親提定太原酒賜牽機終有毒
鐵炊熱餅竟難翻圖書館閣徒誇富骨肉參商卻少恩
一弟房陵猶藁葬燃萁擲不憶同根

天書夜半授眞符西祀東封禮各殊黃蓋竟因孤注勝

青壇想見萬靈趨一釘未拔多瘡痍五鬼紛來欲嘯呼
終賴朝端有君子未妨小事偶糊塗

金芝御榻葉連絲冊載浚仁浹八挺直士同升能受諫
和戎有利一不開邊文章都改西崑體將相爭誇慶歷年
若使神孫仍舊貫汴京九鼎豈能遷

妙選金枝得定儲元臣匡輔事何如空頭署敕機先決
雪涕陳言病亦舒四載憂勤憑几日兩宮慈孝撤簾初
一篇濮議堪千古歐九何曾不讀書

青苗手實算增緝條例三司次第新只喜善神常護法
那知安上有流民秀才盡變空疏學宰相何堪執拗人

笑煞佳兒能紹述霎時斷送汴城春

山寺歸來好語聞宮中堯舜輔新君活民已任溫公相
艸制爭傳內翰文豈意蛟龍纔得水便教狐兔倏成羣
原陵社飯匆匆過黑白青蠅了不分

親書黨籍姓名畱符祐忠良一網收遂使舒王躋配享
何妨隱相廁清流東南花石民膏竭西北戈鋌戰骨愁
轉隄青城纔夢覺燕山亭外望皇州

積薪厝火久相仍頃刻中原懷土崩幾見三衙衝矢石
空勞四出括金繒北轅此去嗟何及南燼遺聞事莫憑
獨有幽蘭孟居士白頭話舊想填膺

中都纔幸又南京冷笑狂王貫已盈隋煬窮兵知不返
苻堅獨斷竟何成空勞采石投鞭渡邯鄲許吳山掉臂行
多少牆茨中犇刺史家真屢總難明

金甌半壁漸摧殘且倚黃河化塹看北望幾時銷戰壘
南侵多事啟兵端豈能方面皆胥鼎可有忠言繼素蘭
賴是和林勤遠畧幕巢偷得十年安

親征決戰本兒嬉寂寞空城那可支將相備員霜後擇
河山滿眼局終基歸潛空曠劉祁志都省新刊崔立碑
紅粉青娥驅北去他離畧似靖康時

渡河

南來清口北滎陽又自陳橋汴汴梁終古河流仍浩浩
此生歲月感堂堂使星天上重輝映新婦車中自閉藏
敢謝涉川忠信在 國恩思報只文章

到開封作

灌輸南北據通津民物依然舊俗淳月落長河浮浩蕩
雲開二室見嶙峋梁園風雅應猶管伊洛淵源想未湮
測景天中分判正要將圭臬示文人

訪巨嶽故址復成詠古十絕句

黑白分明詎可欺熙豐流毒靖康時蚤知紹述元非孝
端禮門前梅立碑

蔡家廿載執朝權猶是荆舒一脈傳父領三師兒尙主
等閒斷送宋山川

博古殷周咨物收宣和書畫重千秋科名也妒寒儒占
特放嘉王佗狀頭

新磬樂府手親裁曲院調笙教主來太息章惇眞具眼
端王當璧果非才

稽首神霄達紫闈上清司命有曾孫天尊大有降魔力
不爲君王挽北轅

玉眞天遣下蓬瀛黃籙齋餘未析醒畢竟安妃有僊骨
不曾流落到青城

國論誰能別正邪
四時仕宦到清華
叱宵聞說黃麻下
宰相新除花木瓜

神運奇峯自太湖
伏犀抱犢態全殊
殊不知五國城頭去
曾帶華陽片石無

榛蓬蓬曲聽來眞
瘠火方然又三薪
新買得燕山竟何用
卻拋巨嶽與它人

海上空勞使節過
夾攻腐算竟如何
燕城歲幣纔輸畢
已報金兵犯兩河

贈何謙之制府卽畱別三首

維嶽天中貴
洪河地脈長
三川歸統制
百姓待平章
文

武通而達精神壽且康
黃花開九日晚節獨芬芳
理數按河洛勳名繼召郇
識因夏事練品以讀書醇量
可涵千頃功真活萬人
公餘陪笑語一室盎然春
已聽驪歌唱重爲三日留
戒途方北上乘傳又南游
愛我情何摯從公願未酬
異時嶺海夢猶戀汴城秋

歸德道中

九月潦盡淺水枯斜陽欲下鳥羣呼
葦花平鋪白蠶繭
柿實纒綴紅珊瑚里媪捉棉攜籠出
鄰翁拾柴換酒沽
分明秋田行看子安得好手爲我圖

會亭道中

櫟樹秋猶密茅齋小不斜兒童分柿子郵市賣棉花已
覺塵沙少兼無僕馬譁郵亭留一餉風景似吾家

宿州城外

符離城邊大道直名隸江南實淮北今秋河水溢茅城
水及半扉屋敲仄禾黍盈疇不一收曳杖郵岵面猶墨
竭來潦盡水轉清往往空潭涵碧色鳧鷖拍拍城東西
漁子承梁網九豎行人不識居者艱翻凌煙波渺無極

臨淮

我行渡淮抵濠上一綫官道夾碧波雨後泥融猶未燥
馬蹏雷印千峰窠鍾離自古稱壯縣雉堞三板存無多

空桑日中夜出水城市半窟蛟與鼉行人指點遺址在
廿年浩劫須臾過臨淮之鱗長尺半過客食指動則那
兼聞今年夏苦旱一半枯稿田中禾貧民容易去鄉里
乞食四出爭唱歌女郎赤腳頭裹布呱呱弱子背上馱
細腰打鼓音嘈糠糶身上索行婆娑小兒穿梯矯如鵲
中婦弄篋輕于梭窮人雖能出百巧風俗昔歲云如何
傳聞此風防明季徭役絲重民薦嗟由來抹弊當以漸
先富後教理不訛男耕女織各有業導之禮法毋煩苛
勑堯罪言或可采長吏勿漫誇催科

包孝肅祠

孝肅祠無恙鬚眉凜若秋河清猶可俟綱直冒爲釣公

豈儕擒虎

用韓擒虎事公有閩羅包老之謹無俗傳會實之

人休詫奪牛兒童

知姓字肥水其長流

道旁

逃荒人戶官道旁十五五紛成行肩馱背負去故鄉

兒與釜甑同一筐日食溢米纔充腸晝無廬舍夜不牀

幕天席地無周防人離鄉賤計非賊

吳諺云人離鄉賤物離鄉貴飢

驅奚暇慮久長但願盜有斗粟藏生生世世無逃荒

舒城山行

岡嶺四圍合我行將安之自崖勿遽返曲折境益奇讀

書能得閒進步乃無厭不知身已高但訝城市卑徐行
毋使困踐賫斯不危涼水有遺誠三復真吾師

宿武峽關驛舍壁間見香樹先生山行詩追次

其韻

好山如良朋不速亦旣覲洪厓與浮邱拱揖列左右初
從南獎入平遠一波縠漸進乃益佳繚曲往而復一峯
開一峯青翠若相關水邊俛啄鶴雲外孤飛鷲石骨藏
不露自矜肥勝瘦密樹覆肩脚清泉任膚腠邨居儼桃
源水竹繞前後中通南北郵有置雙隻埃舍館得我所
此樂敢多又前途聞夏奇靈秘不予圖諷詠文端詩名

與斯山壽繼啓病未能孤負東南秀

曉過北山嶺至桐城

洪濤曉雲橫雲濛不礙行四圍皆墨嶂五雉見孤城老
柳行行禿疏篁个个清龍眠如有約十里送兼迎

入潛山境行亂山中山甚高而平坦易上不露
巘絕之迹賦詩美之

遙望白雲封盤旋路幾重崇高君子德坦易達人胸淺
水千頭鴨連岡五鬣松畚田如可買此地佗山農

寄題山谷寺

夢游山谷已多年咫尺真源又邈然詩慕涪翁全未侶

衣傳三祖想無緣
暝牛石上蹶痕印
洗墨池頭紺影圓
輸與嘉禾老學士
扶筇到處有新篇

謂擇石
開學

潛山城外

邑小城初築
民淳吏得閒
人家篁竹裏
客路柳松間
紅入秋淡樹青排
曉後山靈僊
知不遠
招悵未躋攀

太湖縣

碧澗城南壯
青巒縣北高
編籬多竹篠
蓋屋有松毛
水牯翻犂健
山禽上屋號
肩輿聊縱目
未厭客途勞

過楓香驛

亾過楓香驛
遙瞻五祖壇
湖流清溢
承沙路赤蒸
丹江

近山容潤冬來樹意寒
邐邐巫賽社童穉亦知歡

黃梅東山禮五祖眞身

五葉從來泝一花一花還自有
相身講經臺下瞻殊相
破額山頭指故家人說黃梅眞淨土
誰修白業證毗耶
傳衣公案休分別祇恐塵埃把鏡遮

題五祖塔

老少元平等誰非廣化才
栽松衣可付多事約重來
明鏡時勤拭人推慧絕倫
誰知春米熟偏待嶺南人

行廬山下

香爐縹緲紫煙浮
一朵芙蓉翠欲流
畢竟江南異江北

江州山又勝黃州

前峯翠淺後峯深正面晴嵐側面陰一步一回看又別
此中脈絡了難尋

九天使者降靈膠瀟灑嶽青城鼎足三倘佯匡廬老提舉

二十

平聲

四攷我猶堪

太平宮祀九天采訪使者宋時設提舉官

三笑流傳過虎谿遠公遺跡未全迷高賢十八今何在
只有長松翠鬣齊

湖底泉聲殷若雷嶺頭雲氣絮成堆入山宅日非生客
曾識匡君半面來

亭亭五老各霜髯招我支筇上翠尖不爲夫君畱信宿

煙雲多取恐傷廉

烏石門

烏石門開類削成清流一綫瀉淋漓小松戢戢多于齊
人在王蒙畫裏行

安義郵行

有樹郵皆秀依山水便清沙岡排簪笠田陌劃基枰寒
意江南緩冬前半月晴元規塵不到自在客中行

曉行

曉行亂山中前望百頃湖湖中青數朶有信小姑娘了
知本非水雲煙幻斯須初日忽回照金色魚鱗鋪三竿

日漸高雲水兩已無惟有峭蒨峯縹緲芙蓉敷黃山吾
未到斯理可舉罔忽疑大瀛海時化桑田枯得非和合
成雲霧氣所噓千劫一日暮鯤鵬笑螻蛄我言豈謬悠
試問蒙莊徒

高安

一水貫城流連邨艸樹稠琅玕千萬箇不枉喚筠州

清江城外

背郭邨偏密穿岡路半斜殷紅殘柏葉小白簇茶花浴
鴨非無沼歸牛各識家趁虛成聚落未覺市人譁

文信國祠

顛沛求仁得從容取義真浚儀元具肥科第得斯人
生祭詞徒壯知音世果稀黃冠倘南返何減首陽薇

憩萬安邨舍有老叟年八十三矣足跡未嘗入

城市爲賦詩

四面崇山翠錯連中央容爾屋三椽秧松徧向峯腰插
鞭笞多從石罅穿瓦盎繩牀畱客住耘瓜鋤菜教兒專
老來久狀風波惡十八灘頭不上船

曉霧行萬安城南

曉入煙雲窟裏行漫漫對面不分明青山想狀紅塵客
不肯隨人出送迎

四望茫茫一槩同時間雞犬白雲中江山清福難消受
咫尺翻教眼界窮

霧

霧重了無山衣靄若有雨遙見三板船搖艣雲中太

山行

澆澆原泉瀉重重秀嶂包嶠嶽緣石骨曲折就山坳紅
醉楓辭葉青攢竹放梢停輿屢回顧安穩是衡茅

贛州

繞郭清流碧玉酋風颿駐泊尾交銜灘聲夜落儲潭窟
雲氣晴升馬祖巖地近交州無瘴癘路穿絕磴自嶄崟

南來眞訝臘寒別脫卻羊裘換夾衫

山中

山中仄出縣出泉道有一叢兩叢竹泊然無語自清甘
與我周旋觀不足人言竹泉俗可醫俗子遇之了不知
懸孫不狂誰會得孟嘉小異空爾爲

庾嶺謁張曲江祠次壁閒德定圃前輩韻

金鑑言終驗黃虬禍蚤知宋姚功可繼伊呂道爲師此
地關山險猶傳鏡鑿遺湖毛奪欲薦風度至今思

過嶺口占

病鶴乘軒只自慚九方相馬敢云諳二千紅樹青山路

直送行人到嶺南

南雄舟行

水淺沙停一綫灘
十夫推挽力空殫
誰知咫尺凌江路
下水翻同上水難

忽忽

忽忽悠悠土木形
頷髭時見一星星
逃名久怕囊抽穎
學道終憂穀食螟
未得睡心聊就枕
只圖遮眼畧繙經
平生賸欠游山債
天許來看五嶺青

得李南湖書知于廣州相待卻寄

不見李生今五年
南行萬里一欣然
新詩想得江山助

名士仍兼政事傳憶舊多通烹餼字養廉半付刻書錢
藥洲計日同吟嘯窺鏡慚予與髮宣

滇陽峽

韶山皆骨立可望不可攀尤奇在臨水清鏡洗髻鬟
來來滇陽峽激湍一水彎輕驅捷于鳥飛入緘瘦聞石丈
各磊落對立望不顧雲中老浮屠指我傲我閉前望路
已斷呀然闖元關詎敢高聲嘯恐驚長蛟陸舟師但裏
手目送青屏顏貪天汝爲功不見來者艱

大庾峽

一峽異一峽奇詭各逸羣大庾當其中遙挹香爐芬青

翠望不了算辨山與雲尋雲卻有路九曲旋螺紋權歌
纔款乃荅響隔谷間波面即山脚漱瀉流云云濕濕牛
腹皤戢戢魚首頰軒然老鶴立俛者羣鳥耘背陰受
風就陽延夕曛何哉一刹那便有炎涼分

初到藥洲用石上宋人詩韻

彷彿前生住藥洲入門幾步即清流嶽奇石丈如相待
涉地何嫌風馬牛

載酒擎舟舊石洲只今清淺一池流齋前九曜芒無損
半仙蟠蛟半伏牛

一勺居然小十洲僊人掌迹印波流南宮詩句從何索

懊惱榕陰大蔽牛

顯仇十洲桃花源圖用陶靖節韻

生當晉宋交夢到殷周世心清自太古未覺懷葛逝桃
源空臥游松徑任蕪廢官爲督郵畱欲就漁人憇先民
師寓言畫師煩絕執石洞若可尋蔬田了無稅只有家
雞棲不達邑犬吠人物儼僊流衣冠異唐製異境况在
斯徑思一葦詔清淺捕魚谿可揭兼可厲墨林谷藏弄
流轉閱百歲轉運今詞宗秦果亭都運所藏識畫誇隄慧偶披
咫尺圖疑到清淨界一念卽去來獨往無障蔽東坡已
箇中南陽自門外區區欲問津誰能參冥契

王石谷仿惠崇江南春色卷

平生未見惠崇迹耕煙臨本已難得吳裝渲染劇清佳
貌出江南好春色東風催人蚤出耕水田幾稜碁分枰
粟畱布穀鴉鷓鳴或飛或集各有情絲楊毵毵千萬縷
小橋曲折通蔬圃煙江不數王晉卿水邨絕似趙孟頫
山人本家尚湖漕湖山溪處容茅茨眼前好景寫不盡
直以造物爲吾師斯圖著色滄叟老名仿惠崇實過之
畫舫齋中好風日神品銘心此第一從公公乞俗十日看
臥游宛在煙波間

頂湖山慶雲寺

未入羚羊峽先攀鶴鶴巢清流出雲外古寺挂林梢石
瘦森奇鬼泉飛散薄綃偷閒成獨往私署次山齋

齋中無事興到輒書數字

人皆可忠義不皆可儒林慷慨一時事著述千秋天
不生竹帛善惡同埋沈夷齊與龍比安能傳到今

裸葬楊王孫單產折伯式一事小異人名已動鄉國史
家爲立傳毋乃太無識丈夫稍有志動希身後名亦復
有僥倖此理誰能明不如讀吾書不如養吾生日與造
物游且尋古人盟彭殤孰爲天由躋兩無爭吾自有千
古何必待管城

臧紇信要君不妨取其智大哉造化心溫肅兩相濟柰
何後代僞吹毛好論議妄引春秋訟務責賢者備善人
不可爲大姦翻得志入豈枉見招放手裏無忌不如桑
門教苦海回頭易歐儒俾入禪夫豈古聖意

木堇自有花天豔若美女蜉蝣自有翼衣裳亦楚楚么
塵爾何知風流太自詡造物偶吹嘘豈其長祐汝可憐
轉瞬開消滅入糞土世豈無大年誰信蒙莊語

大學戒聚財孟氏闢言利詎有桑孔徒可贊唐虞治介
甫好大言藉以售詎僞卵翼諸少年傾險敗國事公然
配尼山俯視游夏輩非據郡可常增我千載喟

未游一介士狂氣壓九州和藥進蕭傳有化縲紲囚安
昌樞齷齪何足污崩紱曷不請向方徑斷五侯頭

大易言天地其道最恆久覆載靡不周高明而博厚隸
首善布算算測天地壽異哉安樂翁弔詭惑黔首十二
萬爲期混沌歸无有消耗終成亥開闢啟子丑唐虞當
午運民物故繇阜裏歷三萬年人縮如雞狗我欲問安
樂此語誰所受太空了無言紀述自誰某誰從混沌前
親見混沌後瞿曇譚劫數謬悠本無取奈何拾餘唾欲
與羲文耦

管子天下才四維重廉恥廉恥苟一不張緩急那可恃夸

皷體本柔圓轉俗所喜五斗甘折腰百鍊化繞指朱門
蒼頭兒把臂稱知己豈徒敘主賓逝將寄妻子東郭乞
膳餘勿觀笑冷齒丈夫自有真誰爲中流砥

潛研堂詩續集卷二

門人黃鍾校字

潛研堂詩續集卷三

嘉定錢大昕

門神

凜凜萬夫雄，旁求審象同。蕭曹刀筆進，褒鄂畫圖工。粗

識宮牆富，兼收鎖鑰功。阿家翁可佗

側箇切

鎮日但癡舊

已化宣明面，全無叔寶肝。東關元有耦，左戶亦高官。要

路於通籍，終年免素餐。傍人籬下穩，未覺仕途難。

紙上功名易，街頭鼓吹新。休官愁及臘，到任便行春。保

障才非細，樞機地自親。翻嗤門外漢，神武挂冠人。

落度衣冠古，崢嶸面目雷。四門唐博士，萬戶漢通侯。剝

啄徒相苦推敲不自由蕭生徒抗直碌碌抱關流

題施茶漁三臺子役圖

冰井蒼涼銅嶺墜潭河依舊流彭澤西陵疑冢香難尋

猶指荒臺話吉利

魏武帝小名吉利

建安人物聚鄴中應劉陳

阮文爭雄李龍區區蛙入井海鷗日玩惟激公河邊殺

舞亦健者金鳳崇光卅丈跨當時漫戀石室居只今空

剩興和瓦往事茫茫覆局棋騷人經過輒畱詩涉獵史

傳師復爾要以吐出胷中奇武安僊令本詩伯坐更漳

濱耐餘劇短後能騎冀北駒長篇欲刻韓陵石太行西

來紫翠橫馬頭雲霧相送迎邢洛相衛方算刻過隄陳

迹增詩情我亦安陽數來往閉置車中徒悵惘羨君豪
氣雄萬夫使馬西風已脫鞅偶披圖畫追谷游風塵彈
指歲月適雪中鴻爪宛在眼青山如浪入漳州

王荆公句

次韻鶴谿見寄

別多作惡輒經旬羨爾吟詩筆有神徑鑿蠶叢全避熟
樣裁魚鱗要生新鈔書那惜霜豪禿臨畫師成兩點
見說歸期真不遠南邨只待素心人

算釐峯

浮空遙見翠芙蓉磴道盤旋上幾重橘社菱田長有歲
春雲秋月若爲容僧寮處處藏溪陽邨市家家占一峯

直到莫釐最高頂洪濤萬頃盪吾骨

林屋洞

左神洞府守眞官路隔僊凡鑿空難地肺傳聞通水底
天梯或可陟雲端書藏玉宇千年閱乳滴珍珠六月寒
懊惱泥濘行不得靈蹤畱待後游看

縹緲峯

天風浩浩卷秋濤四顧方知地最高目送三州分鼎足
手捫列嶂偈兒曹舟船來往輕浮芥竹樹周圍細擢毛
山上日晴山下雨山靈許我此游遨

包山寺

一寺中藏縹緗間門臨瀾水響潺湲客來問澗元非俗
人到看山暫作閒松影入雲彌自瘦竹陰障月不教刪
會昌石刻依然在百徧摩挲未忍還

龍涪

洞庭龍渚夙曾聞斗入湖心一朵雲怪石嶙峋排化隊
驚濤衝鬣斂多紋天陰或有龍鼉護地迴應容鶴鶴羣
西望甌壇山幾疊風煙離合杳難分

石公

林屋諸峰秀尤奇是石公濤聲來枕上山腳插波中突
兀皆人立雕斲或鬼工臨流羨翁媪相對與賓同

橫塘

碧水澹如油橫塘八月秋網魚收細碎浴鴨任沈浮紅
蓼花垂粟青菱角中鈎具區二萬頃泛宅亦風流

游慧聚寺用張祐韻

山勢孤偏舊湖光遠可吞塔積全禿頂樹伐不留想誰
道千年刹今如半郭邨西峯仍秀絕一綫啟天門

筱飲造一船于湖上顏曰自度航製極精雅卽
用其韻

批風抹月自由身穩住湖心一隻輪書畫久知倪瓚富
食鮭誰道庾郎貧獻嘲且任無名子行樂終歸我輩人

戴酒拍浮日來往頭銜同署葛天民

手著書成已等身卻收蹤迹付輕輪壺中日月眞容醉
畫裏田園未患貧白眼不妨看俗客青山只合著閒人
露荷珠綴天然景可有新詞繼澤民

詠史

君不見申屠起蹶張不讀一字書檄呼弄臣伏階下免
寇頓首血出俱博山世儒宗不譚溫室樹董公婉變有
幸臨迎謁車前久延佇平津六十擢上第淮南視之若
兒戲丞相蔡侯人主師貌如老嫗無鬚眉五鹿嶽嶽能
講易印纍綬若黨牢石尙方不斷佞臣頭買田問舍求

肥牛給事小史本遲頓後來乃以經術進監臨自盜租
千鍾當時經明卻少雙經亦不必明策亦不須射慙儒
但可居鄣閒大將從來出跨下吁嗟乎士風沮喪秦坑
餘稷嗣面諛非丈夫解冠溺中踞洗罵算怪高皇不喜
儒

游三茅觀同王方川邵二雲陸筱飲作

香火三茅舊樓臺七寶傳牒存丞相押額賜紹興年題
字苦全蝕積垣鼠欲穿洪厓相挹掖真有列僊緣

梅市

巫山山外市門前誰識監門有列僊不是冥鴻辭七者

龔生那免天天年

岳忠武墓

唾手燕雲願力堅長城何忍一朝捐小邦誓表和親日
大將圍屏絕命年雪窖生還虛壯志金陀論定剩遺編
君王自戀餘杭樂不獨文臣解處錢

宗陽宮 即宋德壽故址

宿世漫傳錢具美今生已勝李從嘉金爐一觸知天意
此座當歸藝祖家

恬愴希夷性自然高居德壽儼神僊中年復釋蒼生擔
安富尊榮又卅年

越王臺

廿載陰謀國士參臥薪采戩想難堪背城尙有五千楯
奉匱可憐一介男鹿走異時眞算失狐埋當日太言甘
南陽七術都堪試何事藏弓理未諧

齋西老梅一株盛開

雪後梅初放牆陰枝自橫色香全在澹人境兩俱清獨
樂宋司馬長年尚老彭和羹非我事瘦骨自天成

析薪謠

伐木析作薪盡日聲所所可憺棟梁材斧斤不赦汝
炊薪利在燥析薪利在濕薪濕火不然薪燥刃難入

析薪刃不傷要在尋其理庖丁解牛方聞之蒙莊子
析薪日有程多寡量汝力貪多力不任欲速竟何得

假榻郡齋偶成四首柬石公太守

僊居真箇侶蓬萊碧磴層層眼界開南鎮數峯排闥至
東谿幾派入城來青松都學王蒙畫奇石疑經懶瓚堆
恰稱風流賢太守詩韻側理紙千枚

越州城內入芙蓉獨占玲瓏第一峯紺塔當前尖侶筆
青山回抱矯如龍茂林修竹應猶管玉室金堂或可逢
許邁遺王右軍書自山陰南至
臨安多有金堂玉室僊人芝艸階下石泉清夏白酌來
試點建茶濃

高閣崢嶸邈莽追嘉名猶記自微之風雲指顧仍千里

秦少游蓬萊閣詩 金翠橫斜想替時 張伯玉詩人在訪

席上指顧風雲生 月中金翠橫

古久迷希銑碣 康希銑碑顏魯公撰并書 述懷祇剩篤

齋詩 松風閣故址有明太守湯公紹 翠微不憚經行徧

或有鴻都漢刻遺 洪文惠公守越日以所藏漢

雲霞四面翠屏張雪後春風入座涼瑞室擬營何子季

丹經欲受賀知章平生濟勝非無具此度尋詩不賦忙

偃合烏篷呼小艇若邪谿水縠紋光

顯寧廡 俗稱上城聖廡

龐公有遺廡來訪臥龍西剖竹功堪紀披榛迹未迷爐

存文懿款

殿前銅香爐明萬歷中鑄有東閣大學士朱廣名

額認顯寧字蹟千載

牆墜古椒漿父老攜

登望海亭

孤亭直上與雲平北望蒼茫接大瀛曉嵐參差堆眾嶽

春田衍沃散千梓休譚霸越吞吳迹大有奇莊逸許情

孫嗣蘭亭會詩望巖懷逸許臨流想奇莊石簣棲神無恙否詰朝便請入山

行

鑑湖

賀公善吳語兩命登近列一夢游釣天翻然謝朝謁黃

冠返故居遂得不死訣供奉詩酒倦司戶書畫絕天台

與夜郎流離淚空咽誰能洞先幾惟公全晚節買藥戲
人開鴻爪試泥雪如鑑一曲湖于今水猶活

禹廟二十四韻

天改傳賢局人成幹父名羽淵終有後石紐記初生道
與勳華大躬仍節儉并二渠能股引四載半泥行手障
江河漢身經岱華衡蛇龍三舍避稔枯萬夫耕土任金
鉤貢心忘黼冕榮重腫歸大寶肆觀到陽城盡日卑宮
坐終朝諫鼓鳴鉤鈐頭自戴參漏目偏明石詔元妃剖
觴辭帝女擎九疇曾載錫一沐亦類夏玉帛諸方會珠
魚厥斐迎以休羣佗頌不伐本無爭越嶠攀黃屋稽山

寄葛縹緲周難返
葬化益未陪
學步巫如見
溪舂鳥有情
汪苾魂尙囑
鐘鐸響猶清
厝食垂千載
神功在八紘
雖經履癸暴
詎改建寅正
泣罪當年淚
分陰後學程
風雲長擁護
軫益想平成
古壁响樓宇
空庭竹箭萌
偏枯容髮髯
試聽慕歌聲

石公以過南鎮詩索和卽次韻

雪後春山氣倍澈
透迤五馬度
連膺職方第一揚州鎮
文命千秋會計陵
梅逗疏花香細細
艸抽新甲碧層層
使君守土修禋事
不比王猷興偶乘

雲林寺俗秋閣

潛研堂詩集

續卷三

山水閒何闊登臨洵有情踏雲知腳健冒雨倍神清
字蠅頭細宋咸平中西域進貝葉經今藏谷中茶芽雀舌萌團蒲容小住
彷彿記前生

讀某譜偶成

一裁矜夸甚紛紛舊譜評古人嗟不佞豎子偶成名巫
訪壺邱歿醫逢扁鶴生倘非三日臥索靖亦平平

雨後抵麒麟門

六代絲華地重城指顧閒雲封靈谷寺雨失覆舟山入
夏衣猶拾中年髻已斑秦淮清淺水曾照舊朱顏

誌公像

杖挑鏡鑷語無倫誰識風塵有至人卻怪名心猶未斷
蚤將身後付王筠

贈澹懷相國

山水昇州秀于公有夙緣門開天印對樓迴石城連桃
李栽培久農桑勸課專江南與江北世載沐恩偏

地控三江遠天教一佛臨活人傳祕術練事本虚心
赤鳥巡初徧青油暑不侵今朝齊額手果沃相公霖

清曠西園地公餘習靜良圖書參制化花木燮陰陽壽
世心無量尊生道有方區區矜獨樂應笑午橋莊

公子承家訓青雲快著鞭學從經術進文久藝林傳門

第兼科第同年最少年詩人例工部新製蚤朝篇

題巖子進春江送弟圖

罷聽對牀雨忽乘喚渡船從師江外去執手柳陰邊大
被何辭冷瀛金未是賢東南見孔雀莫忘春令篇

臺城詠古

傳檄襄陽意氣雄金甌彈指便成空騎兵何意爲天子
掘尾偏能縛老公指盜開門元自取講經升座太無功
捨身未了先償劫回首臺城一夢中

蔣忠烈廟

十決蛇矛逐賊忙黃沙埋骨路茫茫匹夫強死猶能厲

志士成仁自不亾可笑狂王虛出盪尙餘野父走新麻
獠兒枉作江山主俎豆翻輸一尉長

卞忠貞廟

誰能廷尉望山頭塵起元規不自收獨有一門萃忠孝
堪噬舉國尙風流裹創轉戰心如鐵正色平生氣帶秋
塵尾犢車充九錫巖巖得佖侍中不

劉越王廟

八公山色自嶙峋烈士從來在壽春獨障淮南猶苦戰
可憐江左已稱臣帳前輿疾咨嗟久詔下追封穢秩新
如此教忠宐共勸衷中禱詔又何人

曹武惠祠

荆湖戰艦又凌波臥榻其如鼯睡何三世將家仍有後
一城生聚幸無它只言敕幹江南事莫話親提左手戈
仕宦幾人誇使相好官不過得錢多

衛國忠肅公祠

文豹留皮為名金陵風憲只空城鳳凰臺下有奇計
朱雀桁頭無援兵精爽依然李德裕英靈長傍下忠貞
青陽亦是河西彥江北江南一樣精
史稱唐元者皆西
夏人也元時呼夏
人為唐
元夕

始興王墓碑歌

始興王民之參荆楚思公淚常墮始興王宗之英孜孜
爲善梁開平三橋鳳度功初成大封同氣華鄂榮惟王
最小乃英特分陝蚤領江陵兵寇恂河內立梠本王尊
東郡親荷畚嘉禾九穗生邠洲共羨循良出宗衮阿六
凌錢標紫黃師行洛口犇倥倥若使始興佗元帥何至
巾幗遺蕭孃黃城邨前朔風緊一枝玉樹悲先隕豐碑
肩鼻尙宛然不到園林佗石笥貝生筆札徐公文斑駁
依稀月掩雲金石未收德甫錄坵墟難認故王墳咫尺
安成碑亦在摩挲漫字徒心悔不如審定此千言付與

高齋學士采

予審定可識者
千三百餘字

晉生泉歌爲陶梅軒方伯賦

瞻園石井闌有宋人隸書晉生泉三

字初刻淳熙丙午

邵永堅建亦隸書

交登方伯癖好事示我淳熙井闌字星移物換六百秋
刻畫分明波磔備名園地偏行汲少寒泉不受人閒滓
纓短從它抱甕回波激怕惹臙脂膩今年旱暵眾泉枯
獨自涓涓流不匱澆花煮茗冽且甘壓倒名泉品廿四
盛仲交記城內外泉二十四各爲贊名曰金陵泉品仲交好奇曾未收若譜羣芳
失蘭蕙神錐穎虎待處囊始信閒中裕經濟古心一旦
遇賞音井巷皆歸使君賜公公管鑿井上艾城山下出泉
流澎湃清白從來大吏心灌輸要令斯民利晉生之語

豈徒然伯爲我公紀善治休羨南陽鞠水僊仍留東井

甘泉記

方伯在平定爲嘉出書院諸生鑿井以供爨有東井品泉圖

寄蔡丹徒蛟門

湖海詩名鮑謝間鳴琴劇縣識清顏才高正要盤桓試
心遠還同姑射閒人道循聲追兩漢天教詞客領三山
幕中況有朱齡石手荅箇書力未孱

慕堂同年六十寄詩壽之卽用其自壽韻

人生不如意十常居八九予齒奪之角斯理本莊寥屈
指素心交得天公獨厚學古性所耽登第遇亦偶官不
必金張卿寺回翔久家不必朱頓雷賓樽有酒名不必

許郭坦白信下走學不必洛閩檢身無大咎夫惟寡所
營是以易爲守廉泉讓水閒浮邱洪厓後持梁刺齒肥
鄙哉蔡澤壽

憶登進士科座主共歐九推排甘載餘各成黃面窳我
懶人所憎君獨與我厚多生香火緣相逢或非偶一別
五春秋樵斧爛應久君今周甲子朋輩想攜酒路阻聊
寄詩頓首牛馬禿讀書德日休占易履无咎青山亭午
游黃庭中夜守方朔詎非僊蘇瓌況有後從此到百齡
五度詩以壽

送傅雨窗明府還南豐

縹緲僊鳧太真追丹楓黃菊暮秋時兒童爭識神明宰
父老扶看德政碑理縣傳岐元有譜送行錢起可無詩
盱江一水三千里颿引清風自練祁

江寧城外作

艸屈金鉤綠意新平橋碧水尙粼粼天公公也念民無褐
三九居然侶小春

東陽廬府君席

祀南唐
盧絳

海石填難滿家山破不收未衰僊碑節翻快鄺商雙鬢
積身難贖傳芭祀畧酬雲鬢相配合或是玉眞流

題隨園雅集圖

潛研堂詩集

續卷三

萍池竹里輞川同如此園林屬萬公偶爾數人成小集
德星指點聚江東

才名蚤歲玉堂傳穩臥山中又卅年手撫陶潛琴一隻
算來得趣在無絃

鍾乳金釵膽太豨十角往往學春山如何不仿西園例
添箇紅裙翠竹閒

背郭依山只數椽紅渠冉冉篠娟娟洛陽不乏名園記
誰侶蘭成一賦傳

渤海相國輓詩二首

星芒一夕掩中台望斷沙隄竟不回萬眾輟春爲起社

九重雪涕念謝梅身如砥柱功能立心是菩提福大來
半壁東南兼保障忍看處處召棠栽

恬侯純謹程侯忠養福多于長厚中將相時來須重望
功名論定要全終上池莫效靈蘭藥遠道空回翠柳風
校士鍾山碑尙在諸生墮淚想無窮

牌灣記所見

春風火迫到山家麥穗離離竹迸芽樵子斫薪挑入市
擔頭各插碧桃花

悼陳翠月

姑蘇女子能詩爲
武夫妾抑鬱而歿

飛花落溷怪春風靈藥難醫宿命窮心拔卷施惟有歿

淚枯蠟炬那能紅聰明准折生前福恩怨分明悟後空
自古才人多佗僚男兒亦號可憐蟲

午首山觀辟支佛塔

牛首古天闕初日射金牐卅年未身到南望徒心賞久
要詎可忘亟宜蠟屐兩春風若招人艸綠已如繼言訪
古招提果得大方廣梵唄寂無聲時有鈴語響丹梯陟
峻嶒紺宇倚虛敞長江樹杪流羣峯煙際朗由來佛窟
宅自然空塵埃目窮飛鳥外身到輕霞上山靈方待
幸灑掃出官帑樹色與谿光都含太平象時清地益佳
心閒氣逾爽于焉共登臨且以寄滄蕩卻尋辟支迦洞

口不盈丈夾苧像宛然只欠碧紗幌所嗟保大碑妙迹
埋叢莽覺性自妙明無來亦無往休生執著心師佗安
穩想庶可見支殊恭敬一合掌

游靈谷寺

五里松陰合三叉石徑微客情和水澹詩思趁花飛是
處聞天籟何心拾地肥寶公應許我趺坐暫忘機

登翠微亭

偶訪清涼寺重登縹緲亭檐端容易入樹杪見舟停煙
送遙邨碧山來隔岸青都忘城市鬧鐘暝靜中聽

隨園鐙詞

怪來千鶴噪連朝果有詩僊折筩招院院燒鐙全不夜
小春天氣當元宵

檀板新歌試幾番觀鐙齊上曲闌干天公佑助詩人興
半夜無風又不寒

珊瑚紅襯白琉璃此是人閒第一奇山上重樓樓下水
一枝鐙作兩三枝

星光鐙影幻邪真彈指俄成百億身波面撒勻珠萬斛
祇應忙煞弄珠人

掣電倏霆變幻工漫空百道挂長虹華嚴樓閣登時見
只在機關一綫中

萬點流星替月行
殷雷山外響
剗訇主人身
在光明頂
不羨東華簇火城

絕艷驚才錦繡腸
玲瓏點綴卽文章
尋常鎗火休相比
李杜光芒萬丈長

十分色相百分杯
肥福人生得幾回
不枉金陵三載住
小倉山館看鎗來

湯婆子

鄉以溫柔好時常
冷澹親火攻
元下策水懦頗
宜人恰
稱衰翁伴須防
少婦噴熱腸
誰侶汝
樸被頓生春

題李義山詩

楮葉成來不見收
柳枝挽得且銷憂
紛紛牛李干何事
身是忘機一海鷗

區區門戶校炎涼
純袴郎君太薄腸
綠水芙蓉任南北
此心初不負彭陽

玉山碧玉語清腴
西枕窺簾事有無
百寶流蘇隨處挂
不應全是爲令狐

郢書燕說解難真
各道接驪領下珍
不識玉谿生可化
知音端的屬何人

舟行

順水颿輕舟安行
當臥游噫嫌人道
我夢悟蝶爲周遠

嶂招將至孤雲挽不畱吳歌聽隔舫
月子照儂愁

多病

囚緩增秦痔精枯歎宋聾百年身過半
多病藥無功戴笠嫌詩瘦燒車任學窮
生憎門有客喚我白鬚翁

游茅山

生無僊骨有僊緣眞到華陽古洞天
木落山疑施澹赭巖深雲似擘重縣
道人教煮青精飯童子同尋丹竈泉
半夜松濤聲撼戶三層閣上自安眠

神僊得者自茅君口訣傳雷幾派分
那有眞人須玉印

世傳茅君玉印驗其文云九老僊都君印乃宋徽宗刻以賜道士劉混康者其文九疊非漢篆也
別無

要道在靈文誰來入室唯明月師可怡情只白雲上界
何難清淨理三官攷事太紛紛

三峯迤邐翠屏張福地從來占此鄉
俛視蔣山爲後輩遠招瀟嶽化同行
路無毒獸宐營宅艸有靈樞可製方
傳說元君曾下降道門沫泗在華陽

過常州不見馮康齋

康齋時署常守

已化三秋別難逢一晌緣官齋仍咫尺
舊雨久纏絲直榦茶山樹清流惠麓泉
偶舒經濟手便有頌聲傳

淮北行帳喜晤王副都蘭泉因懷吳舍人竹嶼
曹中允習庵并追感趙少卿損之張舍人策時

用昌黎歐城夜會聯句韻

今日樂尊樂素交，聚列幕結歡連。吳語記里近魯柝，鳴
盛執憲秩逾高。歸田宅久泊，半年別又并。三影坐復佗
大昕顏鬢各已蒼，精力詎遽弱。稍留僕屢夏，入座客非
惡。鳴盛夙同白雪歌，晚重黃金諾。幸遇大有亨，均受中
孚愾。大昕憶子咎從戎，彼醜方螿蠹。 席諱運龍韜軍
府開麟閣，鳴盛谿溪見。墮鳶樹枯少，依鶴慷慨贊六奇。
荏苒經八朞，大昕儒衣抱壯膽。短鞵攀叢薄，艸檄筆如
飛。馳書墨未涸，鳴盛平蠻韋碑遜。諭蜀馬文忙，溫馬血
鬻鼓貳負頭。繫鑰大昕露布修，期工凱歌仲宣若。負弩

長吏迎叱舌小夫卻鳴盛頭鸞大宴排孔雀高冠著家
慶慰北堂朋樽邀南郭大昕不圖鄒枚流乃具孫吳畧
行程志朱波方語紀邛笮鳴盛九遷榮不次三司望有
鏢鄴戾標僊骨房相解禪縛大昕嗜書還蠹蟬游山仍
健獲名下信無虛寵受翻如愕鳴盛請急卜青烏營兆
翔白鶴惠均鈴下騶賀謝門前雀大昕獨于車笠交不
改苔岑託襟擬漢上顛戲效鄱陽虐鳴盛文心共研覃
經義互礪鏘清言微乎微麤飯噉復噉大昕有爲翁翁
熱宛爾鞞鞞鄂名譽重錢劉先後忘王駱鳴盛子仍入
臺自我自親釣繳離別也乖張意味恍瘵瘵大昕惟有

東中札不憚手頻削今春 詔時巡扈 蹕事有格鳴

盛靈囿物禽魚帳殿包林察育耕課敷苗望歲占豐穫
大昕舉趾勉于耜蒔茶利其鑄解澤何汪洋吳風被寥
廓鳴盛隄邊柳肥吐波際燕梢掠熙臺快共登陽和來
有腳大昕攷禮襲陳詩觀方爲求瘼從臣盡才俊之子
尤灑落鳴盛迎 鑿欣隨班握手情猶眊黃色上天庭
清姿照鏡箔大昕遂初忽思潁撫景湖入洛同簪曲江
花齊聽園橋鐸鳴盛師門誇桃李藝苑奉丹牘蓬山余
先登薇垣子繼躍大昕湛露恩濃濃條冰銜粵粵出處
漸殊塗擬述俱盈橐鳴盛追維識面初壇場幾輩拓流

光疾箭激舊事驚夢噩大昕吳融劇風流曹唐方落魄
趙嘏句清新張祐居索溥鳴盛當杯歌必和拔劍地欲
斫校戶中聖賢及鋒試干算大昕亭愛春風和池想滄
浪鑿賞奇恆齶齶攻短每諤諤鳴盛拍肩詵纏絲掉臂
氣揮霍松陵集成編月泉社踐約大昕乳虎堪食牛老
羅寧憚貉妙契入斲輪精思期斂鍔鳴盛萍梗悵分攜
鷹隼遂騰搏給札賦上林翻階咏紅藥大昕榷楠匠石
按騏驥孫陽絡次第升雲霄顯融謝藜藿鳴盛升沈閱
河沙聚散換歲籥紛紛異軌躅寂寂鮮請謔大昕吳子
本豪華金盡太落算遠覓束脩羊悵乏點砂藥鳴盛中

允久聲名雅奏調鐘鐻米聲方朔囊牀空孟光弱大昕
秦游苦無車剗飲腴少臙清階漫回翔遠道愁落樓鳴
盛何由鉢再敲安得梓對著武侯七尺筇鄧尉一雙屬
大昕前塵成泡影幻化感蛇虺春露敗芳蘭秋霜失鸞
鸚鳴盛趙卿賦西征辭家甚歡噉一朝馬革裹萬里碧
血灼大昕張侯學中隱依人相勸醜空傷肺癰露竟虛
憶尊酪鳴盛歎逝隔山邱恨別罷合醪惟子衢歷亨于
今弩滿漲大昕得雋下雙鵬成臬雄六博子來余幸逢
余心子能度鳴盛巢林選半枝飲河罍一勺艸元晝懷
鉛述騷時求獲大昕傳注纂紛綸疏義徧斟酌辨妄舉

童稚訂訛掃秋籜鳴盛攷史水分犀程功火改樵要期
大義申務令稗說格大昕論心正款洽彈指怕離索同
門逸良箴獨學類徒駉鳴盛譚後已移晷坐久重舉燧
勛哉千古事存液庶遺粕大昕

虎邱寺題壁

易退非關勇傷廉獨占閒鄉情猶未免愛說虎邱山

題畢秋颿中丞靈巖讀書圖

三閒書閣占高寒香水琴臺秀可餐七十二筆青不斷
放它檻外佻衙官

三萬身籤縱目勞天教此地住人豪碣山莫說峯巒小

不讓終南太華高

青松窈窕白雲閒高唱真疑出世間一洗吳宮花艸俗
嘉名新喚讀書山

著述名山業自珍評花品石亦經綸硯池只有涓涓水
散作人間霖雨春

光福卑猶接雅宜畱頭到處短筇支山僧指點紗籠壁
道是中丞得意詩

送王道士朴山游揚州

我愛隱僊子山棲無世情吹笙王子晉沽酒許宣平詩
好何妨瘦譚淡祇覺清揚州騎鶴地容爾馭風行

潛研堂詩續集卷二

門人黃鐘校字